



ᑭᓄᓐ ᑭᓄᓐ ᑭᓄᓐ ᑭᓄᓐ ᑭᓄᓐ  
Qulliq Energy Corporation  
Société d'énergie Qulliq  
Qulliq Alruyaktuqtunik Ikumatjutiit

April 22, 2024

Maligaliuqti John Main  
Minista Munaqhijuq QEC-kunnun  
926 Sivumugiaq, 2<sup>nd</sup> Floor,  
Iqaluit, Nunavut  
X0A 3H0

Haluu Minista Main,

### **Uumuuna: Qulliq Alrujaqtuqtunik Ikumadjutiit 2023-2024 Titiraq Niriuktaujunun**

Qulliq Alrujaqtuqtunik Ikumadjutiit pijun Titiraqmik Niuriuktaujunun, (LOE), ubluqaqtuq Saptaiqa 26, 2023, ministauvagaluqaqtumin Kaernerk-min. Hivulliqpaaq Titiraqhimajaqqut Kiudjutikput tujuqhimajuq taffumunga Nuvaipa 16, 2023mi. Una tadjja titiraqhimajuq ihuatqijamik tautuktittijuq kiudjutiqtikngnik uumunga 2023-24 Titiraq Niriuktaujunun.

Una tadjja titiraqhimajuq pijauniarmat ilingnin qaangiqqat 2023-24 ukiunani-nungudjutaani, ilihimalutin pidjutaanin ublunganin pinianik uumani Titiraqhimajumi Niriuktaujunun unalu Titiraqhimajaqqut Kiudjutikput, amigaittun naunaijaqtauhimajun uumani titiraqmi pihimajun kingullirmin. Niriuktugun pijaami 2024-25min Titiraqhimajumi Niriuktauhimajunik qakugunnuaq.

Aulapkaijiit Katimajiit, Tukimuaqtittijiit, Angajukhiillu Atanngujat havagutigimajumajaa Katujjiluta havakhimmaarniaqtullu iniqtirumaplugin kavamaup tikinahuaqtatik.

### **Inuit Havaktini Ilhautikhanilu Hivunikhat**

Inuinnarnik Havaktiit: QEC havagutigijumajaa Inuinnarnik havaktikhanik piniaqhimadjutinik pijaami tautungnarniaqqtunik havaktikhani. Una Inuinnarni Havaktini Aktilaanga QECkunni aulahimmaaqtuq amigainniqaqtutkiakkut ukunani kavamatkunni havagviinni, piqaqhutik 57% havagaanginnaqtuni hivituniqaqtuniklu havaakhani, 70% havallaktunik havaakhani imaalu 92% himmautaujuni havaani. QEC huliliqtuq angikliharumanirnun avvagijainni havagaanginnaqtuni havaktinik, ilaujuqlu qinihiapluni tikkuqaqtuqpiarutikhanun Inuinnarnun havaktinun havakpakhimajun havaami havakallakhutik hivituniqaqtumikluunniit havangnirnun.



Inuinnait Hivuliqtikhanun Pivalliadjutikhanik Pinahuarut: Havaliqtun naunajariami qanuqtun nakuutqijaujumik naunajaffaarnirun tahamaniittuni Inuinnarnun havaakhanun pivallianirun hivunikhanik ilaupkarlugillu nutaaat Inuinnait havaktiit ukununga hivuliuqtinirun pivallianirun. QECkut aulahimmaarniaqtun katimaqatigiraanginnarlugin Inuinnait havaktiit najaujarnirun pivallianirun hivunikhainnik.

Havaakhanut Ilihaqtunut Pinahuarut: QECkut ilitarihimajaa anginiqarniq ikajuutikkut havaktikharnirun nunallaami hananirun havaktikhanik uvanilu Maymi 2023 pijumavaktun Ministanin angirutimik ukununga hitamanun ilaujunik havagaanginnaqtukhanik havaakhani havalluarutilgit havaakhanut ilihaqtunun havaakhani, ilaujullu malruuk Inuinnait tikkuqaqtuqparutikkut havaakhanun Pauwaliqinirun Alrujaliqijimik unalu Tamajaniklu Havaktimik. Ilakuk malruuk havaakhak naunaikaqtauniaqtuk iniqhimaliqqat kuapuriisitkut ihariagijainnik naunaijaqtukpata. Tamaita havaakhanut Ilihaqtunut havaakhat tikkuqaqtuhimajut Inuinnarnit ajuiqharniaqtut havaakhamik ajuiqtakhamingnik talvuuna ihuaqtunik havaakhani ajuiqhanirmik ajuiqhattiaqhimaqun atanngujaujumin hanajinimin uumangaluunniit ajuittumin-hanajimin.

## **Nunallaani Aulapkaidjutikhani Hivunikhat**

Arctic Energy Fund (Tunungani Auladjutikhanun Maniliqtuuti): Anginiqaqtuq ilitarijaami munaridjutaa angikliyumirutikhanik paannariigutinin kavamatuqatkunni, aallanilju maniliqtuutini, pipkainirun aallani nutaanguqtaqtunilu auladjutikhani piniaqhimadjutinik nunaptingni ittuq tamaaningan kavamatkunni, umaniungittumilu avalittumi pauwaliqivingmi havaqujauhimaquq tuniudjutinikkut nakuujunik pauwatuutinik. Ilaulunilu uumunga Tunungani Auladjutikhanun Maniliqtuutimi, nunguttukhaujuq 2027-28mi, QEC havaqatigijaa Electricity Canada naunajarnirun maniliqtuutikhanik uuktuqvikhanik pijaami kavamatuqatkunni maniliqtuutikhainnin piliuqhimaariami pauwaliqivingnik himmautilugillu utuqqat igluqpait nunallaaptingni. Una ikajuutiklik havaqatigiiguti uumani Kanadami pauwatuutikkut timiqutimi hulidjutilik tadjami hivunikhamilu tukhirutikhanun maniliqtuutikhanun.

Auladjutikhanun Pinahuarutit: Aulapkaijiit Katimajiit ukuallu Ministait Katimajiit angiqhimajait pingahut havaakhat havaktukhat nutaanguqtiraanginnaqtunun auladjutikhanun nakuutiqaujajumik ikajuriami amigaiqtijuummiqtuq pijumaniit nutaanguqtiraanginnaqtuni auladjutikhanu pinahuarutini pipkailunilu tadjja Hanajakhanu havaktiit, aulajun ikiklihimajumik angummadjutimik, turaangajaami pauwaliqivingmi auladjutikhanu hivulliutijaujukhanik. Munarijakhat hapkunani nutaani havaakhani ilaqarniaqtullu qaujiharutinin maniliqtuutikhanu



1-866-710-4200



867-793-4225



[www.qec.nu.ca](http://www.qec.nu.ca)



ᐅᑦᑦᑦ 580  
ᐃᑦᑦᑦᑦᑦᑦᑦᑦ  
X0C 0A0

Titiraqarvinga 580  
Iqaluit, Nunavut  
X0C 0A0



P.O. Box 580  
Iqaluit, Nunavut  
X0C 0A0

C.P. 580  
Iqaluit, Nunavut  
X0C 0A0



uuktuqvikhamik angikliharutikhanik maniliurutikhanun uvunga nutaanguqtiraanginnaqtuni auladjutikhanani.

Kuapuriisitkut piliuqhimajuq pitqujauhijumun aallanguqtirutikhanik ukununga nutaanguqtiraanginnaqtunun auladjutikhanun pinahuarutinun tunnganiqarhutik havangvingnin ahininlu uqautainnin. Maliktakhat Aturutikhallu Havagutimi nutaanguqtitauhimajullu tautuktijaami pijukhat aallanguqtirutikhanik tunijaami nakuujumik pinahuarutimik. Turaangajun pinahuarutimi aallanguqtirutit ilalgit:




#### *Pauwatuutitik Naunaitkutainnik Pinahuaruti (NMP)*

Aakassi 2023mi, QEC pijun Ministat Katimajiinnin angirutimik hapkununga aallanguqtirutikhanik uumunga NMPmun:

- Akittuqjuummiqtirlugu ilikkut niuviqpektun nutaanguqtiraanginnaqtunik auladjutikhanik pauwaliurutini angummadjutikkut kiklinganik talvanga 10min uvunga 15mun kilowattsnik.
- Naunaijautikhanik unniudjutikhaniklu maniliqinikkut hulaqutainnun pinahuarutimun (ilakuinni maningni maniiurutainni imaatun avvakumi maniliurnirnun pitqujauhijumun).
- Amigaiqjuummiqtirniq haamlaatkunni maniliqidjutainnik atauhirmin malruunguqtumik maniliqidjutainnik.
- Piiqtaujuq Maatsi 31 atukkirvinga ihuaqhiffaarutaani ublua.


#### *Ilikkuuqtuq Pauwakhanik Pauwauliqtuq (IPP)*

QEC qagannuaq sainiqhimajuq nunagijapta hivulliqaq Auladjutikhanik Nivirutikkut Angirutimik (EPA) ukunani kuapuriisitkunni uvanilu NNC umunga anurikkut pautimik IPP pinahuarutimi Sanikiluami. Pilik aallanik IPPnik ittunik aallakkiingni pidjutainni uuktuutini naunaijarutiniluunniit havagutainni talvanga Minista munarijuq tunihimadjutaanin tadjakaffumi angirutaani atuqtipkainirmun pinahuarutimik talvanga Tisaipa 31, 2023mun, piqaqhuni maliktakhamik tuninirmik atugakhami tukhirutimik Ministat Katimavianun hivuagun ukiuq nungutinagu. Taamna IPP Atugakhaq pipkaqtitauhimajuq malruungnik inungin katimapkaidjutainnik umingalu naunaiqpiqhijumun ihivriurutimik akiinnik, taimaalu atuqtipkainirnun uqautinik taapkununga pijumaniqaqtunin tigummidjutiqaqunin ukunangalu pinarungnaqhijuni ikajuqtikhanik. Atugakhaq ihivriuhiqtauhimajuq angiqtauhimajuqlu

 1-866-710-4200  
 867-793-4225  
 [www.qec.nu.ca](http://www.qec.nu.ca)

 ᐅᑦᑦᑦ 580  
ᐃᑦᑦᑦᑦᑦᑦᑦᑦ  
X0C 0A0

Titiraqarvinga 580  
Iqaluit, Nunavut  
X0C 0A0

 P.O. Box 580  
Iqaluit, Nunavut  
X0C 0A0

C.P. 580  
Iqaluit, Nunavut  
X0C 0A0



QECkunnin Aulapkaijiit Katimajinin.

Qamanittuami Atannguajaqarvik: Nutaaq atannguajaqarvik havagvik angmaqtuq inungnun April 2023mi. Taimaatun piniqhimajuq angmaqtirutinga igluqpaup pingitkaluaqhuni Saptaiqa 29mi hilarlungnirmin taimaaqtihimajuniklu tingmidjutikhanik, nunallaami niriqatigiiguti pivaktuq tuniplunilu uuktuqvikhamik Hivuliqtimun ilitarijaami QECkut havaktiinnun hivitujunik havagutikkut ilitaridjutinik.

Kugluktumi Pauwaliqivik:

Una havaktakhaq pijauhimagittumik inungnun tukhiutauvaktuq hitamaiqtuqhuni, piliuqhuni hakugiktumik taimaittukhauniarungnaqhijunik piqalimaittukiaq ajuittunin uukturutinik tujuqtaujukhanik imaalu kinguagun tukhiutimik uvani tadjaja niuvvaanirni. QEC ihariagijun aallamik qanuriliurutikhamik pipkaijaami havaktakhat iniqtaujaangani avatquhimaittumik havaktakhami ublukhait ukuallu angiqtauhimajun maniliqtuutikkut kiklikhait. Taimaatun pidjutaa kuapuriisitkut qiniqhiajaami Ministanin Katimajiinnin angirutimik Aakassi 2023mi, pijauhimagujq, piliriama hivulliinnik uqaqatigiigutinik ukununga Kitikmeot Corporationkunnun, Inuinnarnin havagvik pilgit ilitturijauhimagujunik hakugigutinik paannariingnikkut nakuujuniklu havaktakhani havagutinik avikturviani.




Iqaluktuuttiaq, Uqhuqtuq Iglulingmilu Pauwaliqiviit


QEC pihimajait Angijuni Havaktakhani Laisikhat nappaqtirutikhanun ukunani pingahuni pauwaliqivingnun. QEC naunajaliqtait tamaita qanuriliurutikhat aullaqtiriama hapkunani havaktakhani.

Iqaluit Janariitat


QEC quviahuktuq ilitturipkaijun taamna nutaaq janariita ilaudjutailu hanalrutit nakuujumik agjaqtaujun talvanga Iqalungni tulaktarvianin pauwaliqivingmun Aktuupa 25mi. Tahamaniittun janariitait himmiqtauniaqtun May / June 2024mi, taimaatun iliorarniit atulirutailu nutaami janariitanik iniqtauniaqtun talvuuna Nuvaipa 2024mi.

**Aallat Auladjutikhat**

 1-866-710-4200  
 867-793-4225  
 [www.qec.nu.ca](http://www.qec.nu.ca)

 ᐅᑦᑦᑦ 580  
ᐃᑦᑦᑦᑦᑦᑦᑦᑦᑦ  
X0C 0A0

Titiraqarvinga 580  
Iqaluit, Nunavut  
X0C 0A0

 P.O. Box 580  
Iqaluit, Nunavut  
X0C 0A0

C.P. 580  
Iqaluit, Nunavut  
X0C 0A0






QEC qiniqhimaqtuq pijaaqtaarniit aallanik auladjutikhanik aajjikkiiktinniaqhimanirmun aturniani uqhurluunnik, hulaqutihimaittumik havagutinganik tuniudjutikkut qajangnaittunik nakuujunik pauwatuutinik. Taimaitkaluaqhuni qaujiharniit ilauniillu qanuriliurutikhani pidjutilgit nunami-uunnarningani, mikijun pauwaliurutit imakkullu iniqhimaliqtun, hapkuat hanalrutit hailihimangittun aturiami Nunavunmi hivunikhaptingni. Aturutiit anurimi hiqinirmimilu aulahimaniaqtuq atuqtaulluaqtun auladjutikhat turaangajun aturutikkut talvuunga QEC nutaanguqtiraanginnaqtunun auladjutikhanun pinahuarutini.

QEC avaliittuq auladjutikhanik kuapuriisiujuq Kanadami piqangittumik piliuqhimaajumik nunallaami nutaanguqtiraanginnaqtunun auladjutikhanun aturutikhanik umingaluunniit avikturhimanirmi pauwakhanik auladjutainnik pijaarutikhanik, pipkaipluni taimaaton aturaanginnaqpiarutinik uqhurlunik. Tadjja, taimaaton, QEC huli aturutiqaraanginnarniaqtuq uqhurlungnik maligaimingni havagutimignik tuniudjutikkut qajangnaittunik, nakuujunik akituvalangittuniklu auladjutikhanik Nunavunmi.


QEC havaktuq pijaami pingahunik nutaanguqtiraanginnaqtunun auladjutikhanun havaakhanik; atauhiq turaanganiaqtuq qaujihairnirnun maniliqtuutikhanun uuktuqvikhanik QECkut pijaaqtarungnaqhijait uukturiami tunijaamilu uuktuutikhanik, tunijaamilu maniliqidjuttikkut unniudjutinik uumunga maniliqtuutijumun havagvingmun, taimaa QECkut pihimangittut aturutikhanik munarijaami qaangiqhimaajuni ukiuni. Ilihimajukhat Nunavut Kavamanga, talvuunakiaq Hilaup Aallanguqtirningani Havagviani uvaniluunniit Nunalingni Kavamatkunillu Pivikhaqautikkut Havagviani taapkuat munarijait kavamatuqatkunin angirutit, pipkainiani QECkut qaujihimajun tamaita maniliqtuutikhat pidjutilgit aallani auladjutikhanik ikajuqlutiklu uvani uuktuutikkut havagutainni. QEC pihimajaa anginikhaanun kiklia aktilaanganuin maniliqtuutikhanik hailihimajun uvunga CERRCKut uvanilu AEF (*Arctic Energy Fund*, unaungittukkut *Alternative*); hapkuat pinahuarutini nungudjutilgit kiklikhaqaqtullu pitqujauhimaajun Kanadamin. Ihumattiarutikkut, kuapuriisitkut malilimaitaa una hivulluruti "QEC pijukhaq maniliqtuutikhanik mikhilaaqtirnimun aturaanginnarnirmun uqhurluunnik ikiklilaaqtirlugillu pujuit aniarutiit talvuuna aturnirmun aallanik auladjutikhanik - ihuaqtun alrujaqtuqtukkut pauwaliqidjutinik aallanilu auladjutikhanun pidjutikkut". Kihimi, QEC qaujihahimmarniaqtuq havaqagitilugillu tamaita tigummidjutilgit pijaami nutaanik nutaanguqtiraanginnaqtunik maniliqtuutikhanik uuktuqvikhat huli tunidjutihimaaqlugin havagutimignik Nunavunmiunnun.

### **Kiinaujanut Ihivriuqtirjuaq Tamajanilu Amiridjutit:**

 1-866-710-4200  
 867-793-4225  
 [www.qec.nu.ca](http://www.qec.nu.ca)

 ᐅᑦᑦᑦ 580  
ᐃᑦᑦᑦᑦᑦᑦᑦᑦ  
X0C 0A0

Titiraqarvinga 580  
Iqaluit, Nunavut  
X0C 0A0

 P.O. Box 580  
Iqaluit, Nunavut  
X0C 0A0

C.P. 580  
Iqaluit, Nunavut  
X0C 0A0



QEC havaktiit, ukuallu Katimajiit, pijun ihuaqtunik ihumagidjutinik mighaagun aularaanginnaqtunik angummadjutingittunik tamajani amiridjutini piliqtun ihariagijauqpiaqtunik ihivriurutinik hulidjutijaujukhanik. QEC havaqagijaa Havagvia Kiinaujanut Ihivriutirjuaq (OAG) piliuriami nakuujunik ihuaqtuniklu kihitidjutikkut havagutainnik tamajanun, pipkainirmun ihuaqtunik nakuunirnullu. Havagvia Kiinaujanut Ihivriutirjuaq (OAG) tunihimajaa pitquidjutimini ukununga QECkuni angajukhiinnun atanngujaun; QEC tajda havaktun atuqtipkailirinnun pitquidjutainnik tunihimajun OAGmin. OAG ihivriurniaqtait tamajani amigaitilaanginnik malruungni nunallaani umani ukiumi ilitturijaami taimaatun pitqujauhimaait ihuaqtunik atuqtaulirutainnun pimmarighaqtaujukhaujunikluunniit. Tunnganiqarniani pidjutilirutainni, havakhimmaarnirnullu, QEC havaktuq turaanganinganun uumunga ihuaqpiaqtuni ihivriuhinirmi 2025-26mi.

#### Titiraq Kangiqhihimadjutikkut

Hakugikhaqhimmaarutainnik havaqatigiigutinin GNkunnun, QECkut niriuktun naunaiqiaqhimajunik piliurnirinnun Titiranik Kangiqhihimajutinun (MOUs) pipkaijut havaqatigiitunik nunaptingni kavamatkunni huli aulapkarhugu QECkut ilikkuurutimingnik taimaatun kavamatkunni kuapuriisiuplutik uvani kavamagijaujuni havagiinni.

#### Akunngani Kiunnaqtukkut Katimajiit ukuallu Nunaptikni Kuapuriisiujunun Katimajiit

QEC-kut uqaqatiginiaqtait aallat Avikturniinni Kuapuriisiujut Atanngujaqlu Kavamatkunni Havagviujuni ilitturijuummidjutikhanik hapkunani katimajiinni qanuqtullu ilaujaaqtun. QEC havangniaqtuq ilaujaami pivallialiurnirmi uvani Titiraqhimajuni Qanuriliurutikhanik katimajiinnun qaitqujaukpaata.

#### Nakuujun Kavamaliqidjutit Tautungnarniqarutiniklu

QECkut Aulapkaijiit Katimajiit ukuallu QECkut havagvia kangiqhihimajut anginiqarnianik aulapkaidjutaanik inungnin uppirjaunirnik talvuuna maligutikkut uppiridjutini nakuujunik kavamaliqidjutinik tautungnarniqarutikkullu. Una pipkaidjutiujug havagviup hulidjutainnik kiudjtaaniklu uumunga qaritaujakkut-akiraqtaudjutaanun atuqtauvaktuq Januari 15, 2023mi. Tamaita tuhaqptikaidjutit kajumiktun, ihuaqtun, tuniudjutihimajullu tamaita ilitturipkaidjutit havagviup havakpaktainnik, pidjutaani qajangnaittukhakkut. QEC atuqpaktuq hakgiktunik qanuriliurutikhanik hapummidjittikkut tarmarnik maniliqidjutikkut inuillu inmingnun naunaitkutainnik. Havagvik nutaanguqtiqtait tamaita tigummidjutilgit unalu Tuhaqtitaunirmut Ilitturijaujukhaungittunilu Hapummiji Kamisina (IPC) Nunavunmun qakunguharaangat. Juun 2023mi, QEC pihimajun titiraqhimajumik uumunga Tuhaqtitaunirmut Ilitturijaujukhaungittunilu Hapummiji Kamisinamin quviahuutigiplugin QEC havaktiit 'nakuuqpiaqtunik havagutainnik



1-866-710-4200



867-793-4225



[www.qec.nu.ca](http://www.qec.nu.ca)



ᑕᑦᑕᑦ 580  
ᐃᑦᑕᑦᑕᑦ ᐃᑦᑕᑦ  
X0C 0A0

Titiraqarvinga 580  
Iqaluit, Nunavut  
X0C 0A0



P.O. Box 580  
Iqaluit, Nunavut  
X0C 0A0

C.P. 580  
Iqaluit, Nunavut  
X0C 0A0



uvani ATIPPA havaktakhainni'. Kiinaujaliqijikkut Havagvia ilitturipkaijullu havaktiit, niuvvaajiit, aallallu maniliqidjutikkut akiliqtakhat akirutillu havaktakhaq huli akiliqtauhimmaqtun.

### Maniliqidjutikkut Manikkullu Munaridjutainni Unniudjutit

Pidjutikkut unniudjutinun, QECkut qaujihimajaa munaridjutitik angummadjutikkut tainni maniliqinikkut unniudjutikkut pitqujauhijun munaridjutiniklu naunaijaqtauhimajun maligani, imaaluu aallaniklu unniudjutinik hivulluurutiniklu uuma Minista kavamatkulluunnit hivulliuqumajainnik.

- QEC tunihimajaaq hivulliqpaaq iniqhimaittuq 2024-2026 Havagvingmi Hivunikhaq uvunga EIAkunnun Nuvaipa 2023mi
- Kiinaujaliqijikkut Havagvia havalituuq iniqtiqhuuq una CARPARLAR unniudjuti ihumagijaujuqlu ublukhaa tunijaami una 2021-2022 unniudjutit; nunguliqqat Nuvaipa qanitqijauninga hailihimalirnianin.
- QECkut ilauniaqtun uvani Avikturhimanirmi Kuapuriisitkut Katimajiit miitirviinni piliuqhimaliqtata aturutikhainnunlu ilaungmata ihivriuqlutiklu atuqtauraanginnaqtukhamik piliurutimik uvunga Hulinirnun Unniudjutimik piliuqhimaliqtuuq.
- QEC qilamiuraanginnarniaqtuuq katitirutainnik kiudjutinik ukununga titiraqumajunun niriuktaujunun, maliktakhani, ukunanilu Ministanin hivulluurutinik.
- Una 2022-2023 Ukiuq Tamaat Unniudjuti pijukhaq tunijauluni ukununga Aulapkaajiit Katimajiinun uvani tikittukhami Nuvaipa 2023 miitiquvikhaanun.
- Hitamaiqtuqumajumik unniudjutit Kiinaujaliqijikkut Havagvingmun: Aulapkaajiinnin angiqtauhimajun maniiit atugakhainni unniudjutit tunijauttaaqtun hitamaiqtuqlugu tunngaviqarluni pijukhaukpat, kihimi pilluarumajaujuq QECkunnin tunijaami hapkuat unniudjutit ukiuq tamaat. Ilaliutihimajullu unniudjutit uvani hitamaiqtuqumajumik tunnganiqarniani atuqhuuq Tukliup Ministaup Qitqani Maniliqinikkut Katimajiit (CAC) unniudjutikkut piliurutimik uvani tukhiqumajumi ublukhainni ajurnavjangniaqtuuq kuapuriisitkunnun taimaatun ikitpiarmata hailihimajun aturutikhat ublumi. QECkut havaqatiginiaqtait Kiinaujaliqijikkut Havagvia piliurlutik nakuujumik ublukhanik ukununga unniudjutikkut pitqujauhijun ihumagiljugu QECkut pijuitun kavamatkunnin manikhanik (maniliqtuutihimajuuq akikhanun-akiliqtuidjutainnin manilirutinin) ukuallu ukiuq tamaat aulapkaajiit unniudjutikkut maniiit atuqtakhat aallatqiigutaiillu munarijaujun ukununga Aulapkaajiit Katimajiinnin. Piliuklu tadjaa tahamaniittunik havagutikhanik ittun talvuuna FMBkut angirutikhaanun aallatqiigutainnullu unniudjutini akitujuni maniiit atuqtakhainni ukunanilu ilikkuuqtukkuq havaktakhani.



1-866-710-4200



867-793-4225



[www.qec.nu.ca](http://www.qec.nu.ca)



ᑕᑦᑕᑦ 580  
ᐃᑦᑕᑦᑕᑦ, ᑕᑦᑕᑦ  
X0C 0A0

Titiraqarvinga 580  
Iqaluit, Nunavut  
X0C 0A0



P.O. Box 580  
Iqaluit, Nunavut  
X0C 0A0

C.P. 580  
Iqaluit, Nunavut  
X0C 0A0



Kavamatkunni Havagviinni Maniliqidjutikkut Atuqtaujut

QECkut apirijaujullu havaqatigilugit havaktiit uvani Kiinaujaliqitkut Havagviani Maniliqinikkut Unniudjutikkut Amirinikkullu havagviani tunijaami tamaita tukhiqtaujun titiqqat uvani GNkut aularaanginnatumi havagutainni pipkinikkut Kavamatkut Havagviani Maniliqinikkut Aturutait ihuaqtumik atuqtaujun. Taimaalu, QECkut Maniliqinikkut havagvia sainiqhimajun maliktakhakkut titiramik hivuagun tamainni Katimajit miitivikhainni tunijauttaaqtuq Ministamun.




Inirutikkut, QEC ilihimajuq ilangit maniliqinikkut tunijakhat havaktakhallu angummadjutingittun umikvikhaanun pijutinirmin ikitpiaqtunin havaktinin havakhimmaarnirnullu hivulliutijaujukkanin ihuaqhainirmun uumani. Ilitturipkarumajaralu Minista ukuat QECkut Maniliqinikkut Havaktiit ikitpiaqtunik havatiqaqtullu ajuqhaqpaktullu maligiami tahamaniittunik unniujutikkut pitqujauhijumajunik, taimaatun, qujaginnait ilalitimajun uniudjutikkut tukhirutit qaujijaqtaujujukkanin iniqtiqtaulutiklu hivulliutiudjutikkut.

Quana uuktuqvikhamik naunajariami kuapuriisitkut iniqhimajainnik ajurnarhidjutainniklu ukiumi, naunajariamilu kitunik kuapuriisitkut havagutiraanginnarniaqtait ukiumi.

Pittiarnikkut,


Keith Peterson  
QEC Katimajiinni Ikhivautalik

Cc: Mr. Bill Nippard, Atanngujauullaktuq Angijuuqaangullaktuqlu, Qulliq Alrujaqtuqtunik Ikumadjutiit  
Daniel Young, Tukliq Minista, Kiinaujaliqijikkut Havagvia

 1-866-710-4200  
 867-793-4225  
 [www.qec.nu.ca](http://www.qec.nu.ca)

 ᑕᑦᑕᑦ 580  
ᐃᑦᑕᑦᑕᑦ, ᑕᑦᑕᑦᑕᑦ  
X0C 0A0

Titiraqarvinga 580  
Iqaluit, Nunavut  
X0C 0A0

 P.O. Box 580  
Iqaluit, Nunavut  
X0C 0A0

C.P. 580  
Iqaluit, Nunavut  
X0C 0A0